

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak
o obustavljanju dijela postupka

Zahtjev za pokretanje postupka
Privatne zdravstvene ustanove-Apoteka „Onion Pharm“ Brčko Distrikt protiv Fonda
zdravstvenog osiguranja Brčko Distrikt

Sarajevo
januar, 2014. godine



Broj: 02-26-3-20-20-II/13
Sarajevo, 22.1.2014. godine

Na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09), te člana 122. stav (2) i člana 123. stav (1) Zakona o upravnom postupku («Službeni glasnik BiH», br. 29/02, 12/04, 88/07, 93/09 i 41/13) u postupku pokrenutom po Zahtjevu za pokretanje postupka privrednog subjekta Privatna zdravstvena ustanova-Apoteka „Onion Pharm“ Brčko Distrikt, Zaima Mušanovića 84, Brčko Distrikt, podnesenom dana 16.8.2013. godine protiv Fonda zdravstvenog osiguranja Brčko Distrikt, Vuka S. Karadžića 4, 76100 Brčko Distrikt, zbog sprječavanja, ograničavanja i narušavanja tržišne konkurencije, u smislu člana 4. stav (1) tačke c) i d) i člana 10. stav (2) tačka c) Zakona o konkurenciji, Konkurencijsko vijeće na 79. (sedamdesetdevoj) sjednici održanoj dana 22.01.2014. godine, donijelo je

Z A K L J U Č A K **o obustavljanju dijela postupka**

1. Obustavlja se postupak pokrenut po Zahtjevu za pokretanju postupka Podnosioca privrednog subjekta Privatna zdravstvena ustanova-Apoteka „Onion Pharm“ Brčko Distrikt, Zaima Mušanovića 84, 76100 Brčko Distrikt, protiv Fonda zdravstvenog osiguranja Brčko Distrikt, Vuka S. Karadžića 4, 76100 Brčko Distrikt, u dijelu koji se odnosi na sprječavanje, ograničavanje i narušavanje tržišne konkurencije, u smislu člana 10. stav (2) tačka c) Zakona o konkurenciji, radi povlačenja Zahtjeva.
2. Ovaj Zaključak je konačan i bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 16.8.2013. godine, pod brojem: 02-26-3-20-1-II/13 zaprimilo Zahtjev za pokretanje postupka (u daljem tekstu: Zahtjev), u smislu člana 28. Zakona o konkurenciji (u daljem tekstu: Zakon), podnesen od privrednog subjekta Privatna zdravstvena ustanova - Apoteka „Onion Pharm“ Brčko Distrikt, Zaima Mušanovića 84, 76100 Brčko Distrikt, zastupan po vlasniku Slomić Sarajka, Hasana Aganovića Tača 4, 76100 Brčko Distrikt (u daljem tekstu: Podnosilac zahtjeva ili Onion Pharm), protiv Fonda zdravstvenog osiguranja Brčko Distrikt, Vuka S. Karadžića 4, 76100 Brčko Distrikt Bosna i Hercegovina (u daljem tekstu: Fond) zbog sprječavanja, ograničavanja i narušavanja tržišne konkurencije, u smislu člana 4. stav (1) tačke c) i d) i člana 10. stav (2) tačka c) Zakona.

U skladu sa članom 32. stav (1) Zakona, na 70. sjednici održanoj dana 2.10.2013. godine, Konkurencijsko vijeće je donijelo Zaključak o pokretanju postupka protiv Fonda, broj: 02-26-3-20-7-II/13 (u daljem tekstu: Zaključak), radi utvrđivanja postojanja povrede, iz člana 4. stav (1) tačke c) i d) i člana 10. stav (2) tačka c) Zakona.

Na usmenoj raspravi, koja je održana dana 26.12.2013. godine, u skladu sa članom 39. stav (4) Zakona, Podnosilac zahtjeva je izmijenio Zahtjev na način da je isti povukao u dijelu koji se odnosi na utvrđivanje postojanja povrede, iz člana 10. stav (2) tačka c), dok ostaje pri Zahtjevu koji se odnosi na utvrđivanje postojanja povrede, iz člana 4. stav (1) tačka c) i d) Zakona, što je i utvrđeno Zapisnikom sa navedene usmene rasprave od dana 26.12.2013. godine broj: 02-26-3-20-18-II/13.

Konkurencijsko vijeće je ocijenilo da ne postoji javni interes za dalje vođenje postupka i shodno izloženom donijelo je predmetni Zaključak o obustavljanju postupka, u smislu člana 122. stav (2), te člana 123. stav (1) Zakona o upravnom postupku, te odlučilo kao u dispozitivu Zaključka.

Administrativna taksa

Podnosilac zahtjeva na ovaj Zaključak, u skladu sa članom 2. stav (1) tarifni broj 108. tačka b) Odluke o visini administrativnih taksi u vezi sa procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovoga Zaključka nije dozvoljena žalba.

Nezadovoljna stranka može pokrenuti Upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovoga Rješenja.

Predsjednik

Gordan Raspudić